

Pripreme za proljetni Sajam knjiga u Sarajevu

Književna trilogija Sabahudina Hadžialića

Ko poznaje Hadžialića - satirika, bit će iznenađen knjigom njegove poezije, dok će u pričama prepoznati njegove pokušaje da sasječe kukolj korupcije i draču nepravde koja je zarasla zemlju na Balkanu



Izdavačka kuća **DHIRA** najavljuje do kraja marta objavljivanje trilogije književnika Sabahudina Hadžialića, koja će biti promovirana tokom proljetnog Sajma knjiga u Sarajevu. U pripremi je njegova knjiga poezije "Neotkriveni Siziif". Recenzenti su Ivo Mijo Andrić (Hrvatska), Tomislav Dretar (Belgija) i Anto Zirdum (BiH). Bit će štampana u Biblioteci ARS POETICA (glavni i odgovorni urednik je Fahrudin Kućuk). Idejno rješenje i dizajn naslovnice knjige uradio je Zoran Matić Mazos iz Srbije.

Iznenađenje

-Tko poznaje Hadžialića - satirika, bit će iznenađen njegovom poezijom, lirskom u svojem početku i svršetku kojeg nema, jer onda kad na papiru zacni posljednje slovo, nije pjesma završila, već započela... Riječ je toliko moćna da sama svoju logiku i etiku gradi, i nema nikakve potrebe za okolnom realnošću, zapisuje Tomislav Dretar.

Druga knjiga je priča "Zemlja bez svijesti", Sabahudina Hadžialića, čiji su recenzenti Andrej Glišić (Srbija), Tomislav Dretar (Belgija), Anto Zirdum (BiH) i Ivo Mijo Andrić (Hrvatska). Bit će objavljena u Biblioteci NOVA MODERNA (glavni i odgovorni urednik je Veselin Gatalo). Idejno rješenje i dizajn naslovnice uradio je isti autor iz Srbije.

- Pišući prozne crtice, bilje-



Autor je Petar Pismestrovic, osnivač Društva karikaturista Hrvatska, koji trenutno živi i kreativno stvara u Becu, Austrija

ške, sentence, opaske, zapise i priče o "Zemlji bez svijesti", Sabahudin Hadžialić je ponudio knjigu u kojoj se može pronaći epistolarno štivo za sve one koji ne pristaju na put u budućnost vezanih očiju, bosih tabana i skrštenih ruku. Otvorio im je misaono prostranstvo gdje svatko može pronaći ili osvijetliti svoju stazu za uspravan hod... Oštricom mača misli i britkoćom sablje riječi, on pokušava sasjeci kukolj korupcije i draču nepravde koja je zarasla zemlju na Balkanu, zapisuje Ivo Mijo Andrić u recenziji.

Dozrelost aforizama

I treća Hadžialićeve knjiga aforizama i misli "Nedovršene duše", čiji su recenzenti Zoran Matić Mazos i Boban Miletic Bapsi (Srbija), bit će objavljena u Biblioteci DIOGENIS (glavni i odgovorni urednik Sabahudin Hadžialić).

- Najnovija knjiga Sabahudina Hadžialića "Nedovršene duše", po mnogo čemu je zanimljiv satirični pomak. Na prvom mjestu, prema "švejkovskom" postupku općenja sa svojim političkim aparatom, zatim po dozrelosti aforizama, ali ne samo aforizama, već i promišljenih misli, i najzad, po filozofskim, satiričnim rezultatima do kojih je stigao nekom vrstom svodenja računa sa problemima koji gotovo dvije decenije muče suvremeno BiH društvo, zapisuje Zoran Matić Mazos.

Mr. S.

Od Poteza do sedam knjiga

Sabahudin Hadžialić rođen je 1960. godine u Mostaru. Član je Društva pisaca BiH i Društva novinara BiH. Ima status samostalnog umjetnika u Kantonu Sarajevo. Piše poeziju i prozu uz uređivanje i recenziranje knjiga drugih autora. Tekstove objavljuje u gotovo svim značajnim listovima u BiH i regionu. Vlasnik je prvih privatnih novina u SRBiH - Potez u Bugojnu, 1990. godine. Do sada mu je štampano sedam knjiga. Objavio je knjigu poezije u Francuskoj. Uvršten je u Antologije poezije u Francuskoj i BiH, te u Antologije satire Balkana i BiH.